



詩板

早稲田大学図書館  
文書27  
E 149





在柄天神

詩板

賀神前種梅人

於在柄天神字分韻

前壽福建宗長曾

聖朝翼贊獨能文靈廟年深北野君東閣

官梅春不老移來鋤破一庭雲

曲江繼趙

管廟依山山日輝栽梅人欲詠梅歸如傳

神語丁寧謝黃鳥穿花自在飛

前建長東岳文昱



菅君降迹顯神威  
官客移梅對禮闈  
無限東風吹雪盡  
清香和月入春衣

前建長象初闈光  
調鼎有功王佐才  
神前得意手栽梅  
一生只被以花惱  
人道菅丞相再來

前淨智慶堂資善  
史君材質世樞桶  
清廟栽梅春半酣  
應使德香天下遍  
一枝開北一枝南

大建巨幢  
知君材力在扶顛  
分種官梅菅廟前  
壁盡

詩人三十六對花  
無語又年年

前壽福大茂淨林  
忠孝兼全誰匹儔  
不知何以答神休  
官梅移入菅宮裡  
花萼相輝月一樓

海東闡爾

亟相祠堂地自清  
種梅為壽國昇平  
山雲吹散慈容現  
月在寒梢夜月明

前建長久菴僧可  
栽梅階下享天神  
他日必成調鼎人  
信種星兒心地闊  
清香遍思萬年春



前淨智堅仲妙弥  
封植梅花結好因威權在手宰臣身和光  
遍照三千思天下稱之北野神

相陽存香

國家柱石法英擅管廟栽梅月下看應是  
神君多喜色暗香夜入御簾寒

信陽心榮

管氏名高宇宙中千詩百賦意無窮宮墻  
漆得官梅樹也識靈神有感通

赤城芳尊

皂蓋移梅雨後山神靈應是破天顏至誠  
以代溪毛薦無限馨香滿世間

黑駒聞興

官殿愛梅栽板垣黃昏移影傍宮門山庭  
碧淺長鏡雨斲破青苔春一痕

前建長心源希徹

種梅管廟玉庭傍漆得天神靈跡光調鼎  
功名今尚在德香長共以花香

金華永果

威靈如在典天齊庭宇栽梅探品題花譜



真人朝午夜暗香送月玉塔西

範堂圓摸

社稷奉神傾至誠廟廊英器國干城花中  
御史滄門外日月高懸七字名

菊隱中亮

移得江南第一株芳姿千歲鎮靈區調羹  
慣入湯王夢松樹任他秦大夫

養愚宗育

天神靈廟亂山深塔下幽庭座不侵應獻  
清香成鬱鬱黃金難鑄種梅心

龍湖中簡

豈同薄俗薦淡毛獨種梅花不種桃仰止  
上天封七字美名照世古今高

前建長大綱歸整

丞相祠堂歲月遙栽梅庭下得春饒開花  
未必爭先後雪自南枝次第消

東郊中田

靈宮維德配天居宇宙神威日赫如瑤砌  
種梅人共聖春風花影雪踈々

西湖門獻



我法英檀誠有功況移梅樹近神宮  
聲名不減管家主遍界春香花信風

宗傳良教

管宮翼々出雲層雄鎮東津氣象增  
栽得官梅和月立照人神鑑冷於冰

心聞性聰

一樹種梅丞相祠春風得意雨晴時  
德香長屬調羹手絕勝甘棠曾入詩

祖牧

遺廟種梅春正濃良哉此地示靈蹤  
胎々

神德地瞻仰一夜新生千樹松

相城東秀

何啻輔君能正邪敬神故是種梅花  
信根不淺起於地百世留春保國家

前淨智與言昌謹

管家遺廟幾春秋官客栽梅傍玉樓  
江白香飄花世界無間夢到羅浮

長川祥久

把百花魁溪種時宮前更有德香吹  
神風永與春風扇留得江南第一枝



柏堂純榮

天神墜跡境增佳  
環植梅花滿玉階  
應是百靈來擁護  
儼然廟貌在巔崖

前壽福東曙等海

雲靈省近上台星  
肅々行宮夜不扃  
洒掃何千載  
後孤芳約月植中庭

縱壑光巨

瞻仰神光慕德香  
栽梅更好近彫梁  
社前巫覡祝君壽  
便與虛空較短長

大中正幢

丞相祠堂崖谷阿  
憑高禁禦列逶迤  
料知明鑑無偏照  
添種梅花月色多

石上宣就

右在柏聖廟神前  
賀栽梅人之詩數篇  
東關五岳耆老之傑  
作也宮寺一乘院先  
師鏤板構梁以為席  
上之奇觀然歲月久  
而板面爛朽惜乎成  
蠹樓文字漸欲泯因  
茲一乘院當住柳長  
師因余需書楮上其  
憚雖不少師之命難  
固辭掃臂眼揮龜手  
漆毫毫淋亂墨嗚呼  
顧余多年味懶筆硯  
以



塵埃頽齡勞衰胸襟無覺知恐字々鳥鳥  
為馬傍眼潤色所希而已矣楮未有餘白  
卒綴野詞以奉仰神威云爾為傳正續萬  
年芳各植梅花聖廟傍神德共陰陽共遍  
靈威兼日月齊光



